



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant

Segneri, Paolo

Dilingæ, 1699

III. Quid faciam, cùm surrexerit ad judicandum Deus, & cùm quæsierit,
quid respondebo illi? Iob. 31. 14.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

illam maxime defendunt, quia in his primi franguntur impetus inimici, qui plerumque majore delatiunt furore: Nisi tu feceris opera gratuita, quibus impugnandis Orcus vires suas consumat prius, quam aggrediarur debita, actum est. O quam facile poterit tui.

4. Considera neque sic te fore robustum, si aquiescas operibus indebitis, quae facis. Semper aspirare oportet

ad majora. *Cogitationes robusti semper in abundantia.* Si jam sis patiens, inspirandum tibi est ad patientiam magis invictam: si humilis, ad humilitatem magis profundam: si obediens, ad obedientiam magis exactam: & sic deinceps. Nisi in exercitio virtutum collimes ad summum, semper infra scopum descendes. *Estote perfecti, sicut & Pater vester Caeli perfectus est.*

III.

Quid faciam, cum surrexerit ad judicandum DEUS, & cum quaesierit, quid respondebo illi? Iob. 31. 14.

1. Considera illum ipsum Dominum, qui nunc sedet ad dextram Patris, ut fungatur munere Advocati, quamprimum surrecturum, ut occurrat tibi jam non Advocatus sed Judex. Quid igitur de te fiet, miser, amisso vel hoc solo patrocinio? Ideo non dicitur: *quid faciam, cum venerit ad judicandum DEUS*, sed, *cum surrexerit*, ut tanto majorem incutiat terrorem. Omne bonum, quo modo frueris, inde oritur, quia JESUS pro te agit Advocatum. *Advocatum habemus apud Patrem JESUM Christum iustum.* 1. Jo. 2. 1. Hinc res condita plus tibi deferunt, quam mereris. Hinc terra pro eo, quod sub pedibus dehiscat, non modo te sustentat, sed nutrit. Hinc aer & aqua famulatur. Hinc ignis, in quo jam scelera tua plestenda essent, tuis obsequijs se inclinat. At in illo extremo die deponet JESUS officium tam pium. Unde

tibi cogitandum relinquo, quem subito praeda futurus sis omnibus, qui te favissima quaque decernent. Et tamen parum esset solum perdere talem Advocatum. Quod pejus est, Advocatus in Judicem transibit, quo nihil sanctius Reo possit accedere.

2. Considera, quid igitur facturus sis, cum hoc Domino, *cum surrexerit ad judicandum.* Eritne consilium, quod te vertas: quando cum Judice res est, a quo non detur appellatio, delinquenti aliud non suppetit, quam unum ex his quatuor, nempe vel decipere judicem, vel corrumpere, vel effugere, vel placare. Quid igitur Christo facies: an decipies? an DEUM esse noveris: *cum surrexerit ad judicandum DEUS.* Si DEUS est; quomodo deceptioni obnoxius esse poterit? *Numquid DEUS decipietur, ut homo, vestris fraudulentijs?* Job. 13. 9.

Quid

Quid facies? an corrumpes? an noveris esse iustum: *DEVS Judex iustus.* Non est igitur, ut humani Judices, acceptor personarum vel munerum. Non personarum, quia Pater est omnium. *Sit timor Domini vobiscum: non est enim apud Dominum DEVM nostrum iniquitas, nec personarum acceptio, nec cupido munerum.* 2. Par. 19. 7. Quid facies? an effugies? an noveris esse fortem: *DEVS Judex fortis.* Non est periculum, ne brachio suo te non comprehendat, si vel inter stellas te abideris. *Si inter sidera posueris nidum tuum, inde detraham te, dicit Dominus.* Abd. 4. Et si te comprehenderit, an putas fieri posse, ut iterum amittat? *Tenebit pradam, & amplexabitur, & non erit, qui eruat.* II. 5. 19. An igitur saltem placabis? ne hoc speres. *DEVS Judex patiens.* Scitne, qui sunt Judices, qui placantur? qui furore, non qui ratione moventur. Ita est, nunquam isti turbantur, sunt placidi, sunt tranquillissimi, sed idcirco etiam magis inexorabiles. Et talem omnino esse tuum Judicem existima. *Judex patiens.* Non est iracundus, non colericus: *numquid irascitur per singulos dies? si demum punit, non impetu movetur, sed summâ ratione, quod an non sit tremendum, tu judica.* Accedit, quod idem ipse sit, qui in te tolerando usus est patientiâ indefensâ, & idcirco, cum is irâ locum dederit, non est spes veniæ. Quocumque igitur te vertas, iterum iterumque cogita, *quid facies? an non vides manifestè, nihil ulpiani superesse refugij?*

DEVS Judex iustus, fortis, & patiens. Pl. 7. 17. & sic neque decipere illum potes, nec corrumpere, nec effugere, nec mitigare iram, quæ idcirco in Agni dicitur, ut constet nullâ illam perturbatione commoveri. *Abcondite nos ab irâ Agni.* Apoc. 6. 26.

3. Considera, ut agnoscas hunc Judicem verâ ratione procedere, non latrum damnationis sententiam, nisi prius locum dederit defensionis. Itaque, *cum quaesierit, quid respondebis illi?* ille quidem optimè perspecta habet, quæ fecisti. Omnia vidit, omnia audivit, omnibus ipse testis interfuit. Nihilominus sigillatim vult investigare res tuas, perinde si nihil sciret, interrogare, audire (quid amplius dici possit?) disceptare tecum. *Congregabo omnes gentes, & deducâ eas in vallem Josaphat, & disceptabo cum eis.* Joël. 3. 2. Itaque *cum quaesierit, quid respondebis?* Necesse est vel negare crimen, vel excusare. Primum non habet locum, quia hic non agitur, nisi de culpis liquidis & certis. Restat igitur, ut excuses. At quo modo? Duo tantum sunt capita, si benè perpendas, ad quæ reduci possit excusatio tua. Ignorantia, quæ te induxit ad peccandum, aut fragilitas. An ignorantiam prætes, qui narus es in medio orbis Christiani? tot inter dogmata scripturæ, documenta Sanctorum, exempla virtutum, quæ velut totidem luminosa faces te circumstant. Verum equidem est, te sponte oclusisse oculos, ne videres. Sed hoc ipsum est, quod te amplius condemna-

bit. *Hoc est autem iudicium*, inquit Dominus, *quia lux venit in mundum, & dilexerunt homines magis tenebras quam lucem.* Jo. 5. 19. Erit igitur alleganda fragilitas: at quomodo, si illa fuit voluntaria? fuisti fragilis, ita est, sed cur? quia voluisti esse fragilis, nec usurpasti opportuna remedia, quæ ad restaurandas vires tibi Dominus concessit. Tempore tentationis ad ejus patrocinium non recurrebas, sacrae Confessionis & Communionis frequentiam non curabas, malas occasiones, ut poteras, non declinabas. Eritne igitur excusabilis, si cecidit, qui juvari noluit, qui adminiculum neglexit, qui præcipitio se commisit? non erit, qui vel hiscere audeat, ne deterior reddatur causa. *Omnis iniquitas oppilabit os suum.* Pl. 106. 42.

4. Considera, si, concesso perbenigne defensionis loco, non habeas in favorem tuum, quod respondeas, hinc infallibiliter inferri aliud superesse nihil quam æternæ damnationis sententiam. Itaque ne graveris demuo co-

gitare, quia facies? si nescis, quid facies, cum surrexerit ad iudicandum DEVS, scies, quid facies, cum sederit ad damnandum. Converti poteris ad mores, & rogare, ut cadentes ruinâ te involvant, ad marmora, ut te conterant, ad molares, ut te comminuant, ad voragine terræ, ut aperto hiatu te absorbeant. Sed quid proderit? non est jam tempus supplicationis, ut prius, sed supplicij. *Indutus est Dominus vestimentis ulsionis.* II. 39. 17. Quis igitur te fiet, si ejus ore, qui quondam Advocatus erat tam benevolus, audiens te addici flammis infernalibus? si is, qui fert sententiam, homo foret extraneus, alienus, averfus, excipere liceret & objicere crudelitatem. Sed est Advocatus, qui in Cruce omnem pro te sanguinem profudit. Et qui deinde ad dextram Patris aliud non agit, quam ut pro te roget, pro te peroraret, & modis omnibus studeat cælo te inferre. Non potest ejus sententia non esse irrefragabilis, si ad inferorum supplicia te condemnent.

IV.

Humiliatio tua in medio tui. *Micho. 6. Of. 14.*

1. Considera, ut copiosam invenias materiam te humiliandi, opus non esse foras evagari, tanrumodo intra te ipsum illam quære: *Humiliatio tua in medio tui.* Si te foris spectes, facile contingeret superbire, quia fortè videbis te decorè vestitum, fulgentem ostro, fulgurantem auto; videbis col-

locatum in gradu dignitatis, aulicis obsequijs, & populari plausu honoratum, æstimatum. Sed non ita, si bene in te inspicias te ipsum: *in medio tui.* Satis est, si hæc tria crebrò cogites, quis fueris, quis sis, & quis futurus sis. harum considerationum quælibet sufficet ad deprimendum factum. Unde vides